

02. oktober 2019

UKA2019/146

Uunga siunnersuut: Utoqqaat illersuisuat pillugu Inatsisartut inatsisaat nr. xx, xx. xxx 2019-imeersoq.

(Aleqa Hammond, Nunatta Qitornai)

Siullermik nuannaarutigisarpara nunaqaratta sanngiinnerusortavut illersorumallugit meeqqat aammalu innarluutillit illersuisuinik aammalu peqqussutikkut illersukkatsinnik. Taakku atugaasa pitsanngortinneqarnissaanut sinnerlugit oqaaseqarsinnaasut, suliaqarsinnaasut, sullitat tikillugit oqaloqateqarsinnaasut aammalu pitsanngorsaatissanik siunersuuteqarsinnaasut atukkatigut tusaaneqarnikkut aammalu suliakkiinikkut pitsanngorsaavigineqarsinnaammata.

Meeqqat aammalu innarluutillit illersuisoqarneranik suliaq namminerisamik nunatsinnit aali-angerneqarnikuvoq, taakkualu pisinaatitaaffii naalagaaffiit peqatigiit nalunaarutaannit aalla-veqarput.

Utoqqartavut pillugit peqqussuterput nammineq nunatut utoqqarnut atugassaqartitsinitsigut pin-gaarnersuisarnerput aallaaviuvoq, soorunami inuit pisinnaatitaaffii tamanut atuutsinneqartut tun-gaviatigut aallaavigitinneqarlutik.

Inuiaqatigiinni sanngiinnerusortavut tusaaniarnerini pinngitsoorsinnaanngilagut utoqqaat atugaat ilanngullugit tusaassallutigit.

Ukiuni arlalissuarni oqaatigineqartarpoq utoqqaanngooq qineqqusaarutaannaasut. Ila nunaqqativut qineqqusarutaannartut imminnut isigilersimassangunik ajorluinnartumik inissisi-masutut misigisimassapput. Iliuuseqarfigineqarnissamik pisussaaffiliivoq.

Utoqqaat siusinaartumillu utoqqalinersiuteqalersimasut 2007-kkunni peqqussutaat avissaartinne-qarpoq. Atugaat assigiinngitsuummata aammalu suliuinnaarnerannut peqqutaat assigiinngitsuum-mata. Utoqqanngorsimaneq sulisimanerlu assigiinngitsumik peqquteqarmata. Aamma tamanna ajunngilaq.

Uani immikkut utoqqanngorsimasut pineqarput aammalu utoqqalinersiat aallaavigineqanngillat. Taamaattoq uani naalakkersuisut pilersitsiniarnermik tapersiinerat utoqqarnut politikkip nutarsar-neqarneranut ilaasutut isigisariaqartoq isumaqatigaarput taperserujussuarparpullu.

Ukiuni 15-usuni utoqqaat maannakkornit inuiaqatigiinnit isumagineqartussat, utoqqalinersiatigut, peqqinnisaqarnikkut allatigullu amerlassutsikkut marloriaatinngorsimasunngussapput. Tassa

Nunatta Qitornai

Inatsisartuni



eqqanaarsartoqartariaqarpoq taakku sullinneqarneranut suleqatigeeriaatsinik eqaatsunik, oqaloqatigiinnernut aaqqeeqatigiiffiusunik aammalu inuiaqatigiinni eqimattat angisoorsuup pisortanut attaveqarluartuunissaanik qulakkeerinnineq.

Siunissamut unamminartut aqquasaarumaagassat piareersimaffiginissaat pisariaqarpoq. Utoqqaat illersuisuata utoqqarnut siunnersuineq qaffasinnerusoq suliarisinnaavaa, soorlu peqqussutit qanoq paasisariaqarnerinik, inatsisissat tusarniutigineqartut taakku sinnerlugit oqaaseqaateqarsinnaanikkut minnerunngitsumillu utoqqaat pisinnaatitaaffiisa nalorninaatsumik nassuiaatigisinnaaneri siunnersuisinnaanerilu ullumikkut amingaatigineqartut naammassisinnaavai.

Siunnersuutigaarput utoqqaat illersuisuata ulluinnarni ingerlatsivigisassaa namminersorlutik oqartussat illorsuata avataanut inissinneqassasoq, taamaasilluni utoqqarnit iseruminarlunilu ittoornartuunnginnissaa angoqqullugu.

Taamatut oqaaseqarluta siunnersuut qujassutigalugu taperserparput.